

Թէ ոչ կարացիք առնել զբանալին Բեթղեհէմի և զայլ պահանջման ձեր, չպարտաւորի՞ք սպաս հարկանել տետուն իմոյ . նոքա ասեն՝ առ ի՞նչ պատճառի, կատարեցէ՞ ըզգործն, և ապա սպաս տարցուք : Քեահեայն, եթէ գործ ձեր չկատարեցաւ, որպէս ասէքդ . ընդէ՞ր ետուք առատապէս Դատաւորին, Գործակալաց եւ մեծամեծացն Երուսաղէմի, և Խօճաքեանն մեկնեցաւ իբր կատարեալ զգործն, որում միայն տուեալ էք 160 . եւ այլազգեաց Երուսաղէմի 430 քսակս, որոց տումարն յղեալ են առ Կուսակալն : Ասեն, Խօճաքեանն խարեաց զմեզ թէ գործն աստ չկատարի՝ երթամ ծանուցանել Կուսակալին, զի եթէ անդ եւս չյաջողի, բողոքեցից առ Արքայ, այլ վասն տրոցն զոր ասէք՝ արդարեւ մեք հոգացաք զամենայն պէտս նորա, եւ ծերունիքն հազիւ կարացին տալ 40,000 դահեկան, եւ զայն եւս ծանուցին զլիաւորաց ազգին 'ի Կոստանդինուպօլիս՝ առնել զարժանն, էառնաեւ Ոստիկանն ձեր, այլ Դատաւորին տակաւին չեմք տուեալ ինչ, և այլազգեաց Երուսաղէմի դուռն օւրեք, այլ ոչ որպէս կարծէքդ, զի չունիմք առ մեզ դանձ գիւղեալ : Խօճաքեանն երդմամբ հաստատեաց ասէ՝ առաջի Բղեշխին թէ 'ի Հայոց առի 40,000 դահեկան և տումար յղեալ են առ Բղեշխն, ում զինչ ետուք և խոստացայք . զայս Հրեայն եւս հաստատէր : Ասացին՝ 'մեք այդ աստիճան նուէրս չեմք տուեալ և չունիմք կարողութիւն, խսկ եթէ Յոյնք տուեալ իցեն՝ չգիտեմք : Այլ Քեահեայն պնդէր միշտ զնոյն :

Ի սուգ տրամուրդեան պաշարեցան Վարդապետքն եւ ոչ ուստեքէ ունէին մխիթարութիւն և օգնութիւն, եւ զայս ամենայն ստոյգ գիտէին 'ի նենդութենէ Խօճաքեանին, զի որպէս միաբանեալ էր յԵրուսաղէմ ընդ Դատաւորին և ընդ Քաղաքապետին 'ի շնորհս Յունաց, նոյնպէս գնացեալ 'ի Դամասկոս չրջեաց զմիտս նոցա : Եւ իբրեւ ոչ կարացին գտանել զելլ իրաց՝ աղաչէին զՔեահեայն և զՀրեայն վախճան տալ գործոյն՝ խոստանալով հատուցանել 600 քսակս, որպէս պահանջէինն : Ապա ասէ՝ զի՞ եւս կերպարանիք կեղծել . Յոյնք խոստացեալ են և միով բանիւ պատրաստ են տալ 1000 քսակ Բղեշխին, 200 ինձ,